



Broj: 16-03-02-3-4469- /18
Istočno Sarajevo, 27.12. 2018. godine

Na osnovu člana 23. Zakona o ministarstvima i drugim organima uprave Bosne i Hercegovine („Službeni glasnik BiH“, br. 53/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17) i člana 7. Odluke o godišnjem planiranju rada i načinu praćenja i izvještavanja o radu u institucijama Bosne i Hercegovine („Službeni glasnik BiH“, broj 94/14), Državna agencija za istrage i zaštitu donosi

**PROGRAM RADA
DRŽAVNE AGENCIJE ZA ISTRAGE I ZAŠTITU ZA 2019. GODINU**

Istočno Sarajevo, decembar 2018. godine

SADRŽAJ:

I – UVOD	3
II – AKCIONI PLAN GODIŠNJEG PROGRAMA RADA DRŽAVNE AGENCIJE ZA ISTRAGE I ZAŠTITU	9
III – ZBIRNI PREGLED ZAKONA PLANIRANIH GODIŠNJIM PROGRAMOM RADA DRŽAVNE AGENCIJE ZA ISTRAGE I ZAŠTITU	13
IV – ZBIRNI PREGLED PODZAKONSKIH AKATA PLANIRANIH GODIŠNJIM PROGRAMOM RADA DRŽAVNE AGENCIJE ZA ISTRAGE I ZAŠTITU	14
V – ZBIRNI PREGLED MEĐUNARODNIH UGOVORA PLANIRANIH GODIŠNJIM PROGRAMOM RADA DRŽAVNE AGENCIJE ZA ISTRAGE I ZAŠTITU	15
VI – ZBIRNI PREGLED JAVNIH INVESTICIJA PLANIRANIH GODIŠNJIM PROGRAMOM RADA DRŽAVNE AGENCIJE ZA ISTRAGE I ZAŠTITU	16
VII – IZVJEŠTAJ O PROVEDENIM KONSULTACIJAMA PRILIKOM IZRADE PROGRAMA RADA	17

I – UVOD

Prijedlog Programa rada Državne agencije za istrage i zaštitu (u daljem tekstu: Agencija) za 2019. godinu urađen je u skladu sa Odlukom o godišnjem planiranju rada i načinu praćenja i izvještavanja o radu u institucijama Bosne i Hercegovine („Službeni glasnik BiH“, broj 94/14) i Uputstvom o načinu pripreme godišnjeg programa rada i izvještaja o radu u institucijama Bosne i Hercegovine („Službeni glasnik BiH“, broj 45/15) i predstavlja operacionalizaciju Srednjoročnog plana Agencije za period 2019-2021. godine.

Prioriteti rada Agencije u 2019. godini definirani su, prije svega, zakonskim propisima koji se odnose na nadležnosti Agencije, Srednjoročnim planom rada Agencije 2019-2021. godine i obavezama koje proističu iz Akcionog plana Vijeća ministara Bosne i Hercegovine za provođenje Reformske agende.

Zakonom o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12) propisana je nadležnost Agencije, i to:

1. sprečavanje, otkrivanje i istraga krivičnih djela iz nadležnosti Suda Bosne i Hercegovine, a posebno organiziranog kriminala, terorizma, ratnih zločina, trgovine ljudima i drugih krivičnih djela protiv čovječnosti i vrijednosti zaštićenih međunarodnim pravom, te teškog finansijskog kriminala;
2. prikupljanje obavještenja i podataka o krivičnim djelima iz nadležnosti Suda Bosne i Hercegovine, te praćenje i analiza sigurnosne situacije i pojava koje pogoduju nastanku i razvoju kriminala;
3. pružanje pomoći Sudu i Tužilaštvu Bosne i Hercegovine u prikupljanju obavještenja, te izvršavanje naloga Suda i glavnog tužioca BiH;
4. zaštita svjedoka;
5. provođenje međunarodnih sporazuma o policijskoj saradnji i drugih međunarodnih instrumenata u njenoj nadležnosti;
6. kriminalistička ekspertiza;
7. ostali poslovi propisani zakonom i drugim propisom.

Prioritet rada Agencija bit će borba protiv terorizma, svih vidova organiziranog kriminala, korupcije i teškog finansijskog kriminala, što je naznačeno i strateškim dokumentima Agencije i jedna je od glavnih obaveza iz Reformske agende. U vezi s tim, Kriminalističko-istražni odjel i odsjeci u regionalnim uredima po ovoj liniji rada intenzivirat će aktivnosti na otvorenim predmetima i predmetima koji će biti otvoreni u 2019. godini, a koji se odnose na ove vrste kriminala.

Kontinuirano će se pratiti i istraživati aktivnosti pojedinca, grupa, organizacija i institucija koje se bave podsticanjem, finansiranjem, planiranjem, ili na drugi način pomaganjem terorizma. Pratit će se i istraživati finansijski tokovi i transakcije putem kojih se pruža materijalna i druga podrška terorističkim organizacijama, posebno će se istraživati aktivnosti pojedinih preduzeća, humanitarnih organizacija, udruženja i drugih pravnih subjekata za koje postoji sumnja da se mogu dovesti u vezu s finansiranjem terorističkih aktivnosti. Nastavit će se aktivnosti na predmetima koji se odnose na pojedince i organizacije koji ispoljavaju bilo kakav vid ekstremizma i radikalizma. Preduzimat će se preventivne i represivne mjere s ciljem sprečavanja nasilnog radikalizma, ekstremizma i terorizma. Preventivne aktivnosti Agencije su usmjerene prema osobama koje su najviše izložene riziku (mlađa populacija), odnosno osobama koje se već nalaze u nekoj početnoj fazi radikalizacije, kako bi se spriječila dalja radikalizacija i eventualno regrutiranje od strane terorističkih organizacija ili osoba koje su već imale određene kontakte sa tim organizacijama. Represivne mjere Agencije usmjerene su u pravcu identificiranja osoba koje organiziraju i planiraju, odnosno osoba koje učestvuju ili su učestvovala u izvršenju djela nasilnog radikalizma i ekstremizma ili terorizma, prikupljanju dokaza i njihovog krivičnog gonjenja za počinjena krivična djela, a sve s ciljem otklanjanja društvene opasnosti i stvaranja sigurnosnog ambijenta za život građana BiH. Nastavit će se aktivnosti na predmetima koji se odnose na problematiku ilegalne trgovine oružjem, vojnom opremom i proizvodima dvojne namjene, s težištem na predmete koji se mogu koristiti u terorističke svrhe. Posebno će se raditi na unapređenju saradnje i razmjene informacija sa regionalnim i međunarodnim partnerima u borbi protiv terorizma kao i unapređenju razmjene informacija i koordinacije i saradnje sa nadležnim tijelima u BiH. Nastavit će se implementacija usvojenih strateških dokumenata, odnosno Strategije za borbu protiv terorizma i akcionih planova za provođenje Strategije.

Radit će se na implementaciji Strategije za borbu protiv organiziranog kriminala i akcionih planova za provođenje Strategije, Strategije u oblasti migracija i azila i Akcionog plana, Strategije suprotstavljanja trgovini ljudima u Bosni i Hercegovini i Akcionog plana i Državne strategije nadzora nad opojnim drogama, sprečavanja i suzbijanja zloupotrebe opojnih droga u BiH za period 2018–2023. godine. Nastavit će se unapređenje međunarodne saradnje u borbi protiv svih oblika organiziranog kriminala uz intenziviranje učešća u međunarodnim organizacijama, inicijativama, radnim grupama i tijelima, te omogućavanje vođenja zajedničkih istraga i formiranja zajedničkih istražnih timova. Jačat će se tehnički i kadrovski kapaciteti Agencije u oblasti cyber sigurnosti, te edukacija kadrova s ciljem osposobljavanja da se odgovori sigurnosnim izazovima u vezi sa kriminalnim aktivnostima koje se odvijaju posredstvom interneta. Provođit će se aktivnosti s ciljem omogućavanja pristupa pojedinim bazama podataka službenicima Agencije, što bi doprinijelo efikasnijem operativnom radu. U svjetlu aktiviranja balkanske migrantske rute, provodit će se aktivnosti zajedničke borbe protiv organiziranih kriminalnih grupa i pojedinaca koji učestvuju u krijumčarenju ljudi, što će zahtijevati dodatna materijalno-tehnička sredstva, kao i kadrovsko pojačanje navedene linija rada u Kriminalističko-istražnom odjelu i u regionalnim uredima.

Planira se i nastavak implementacije usvojenih strateških dokumenata, odnosno Strategije za borbu protiv korupcije BiH 2015–2019. i Akcionog plana za provođenje Strategije za borbu protiv korupcije BiH 2015-2019. Intenzivirat će se rad na već pokrenutim kriminalističkim obradama iz prethodnog perioda koje će zbog svoje obimnosti, specifičnosti i složenosti biti prenesene u 2019. godinu, te će se naročita pažnja posvetiti postupanju po predmetima koji se odnose na:

- provjere u vezi sa izvještajima Ureda za reviziju institucija Bosne i Hercegovine koji su ocijenjeni kao negativni ili u kojima su iskazane rezerve u odnosu na pojedine segmente finansijskih izvještaja;
- zloupotrebe naknada od strane službenika u institucijama Bosne i Hercegovine;

- nenamjensko trošenje budžetskih sredstava;
- postupanje po naredbama i zahtjevima Tužilaštva Bosne i Hercegovine u vezi sa ranije podnesenim izvještajima u slučaju kada je potrebno prikupiti dodatne dokaze, izjave svjedoka i osumnjičenih i sl.

Predviđeno je organizaciono i kadrovsko jačanje osnovnih organizacionih jedinica čija je nadležnost borba protiv ovih vrsta kriminala, osnivanje posebne osnovne organizacione jedinice za borbu protiv terorizma i u sklopu Kriminalističko-istražnog odjela unutrašnje organizacione jedinice za provođenje integriranih finansijskih istraga.

Prioriteti u kriminalističko-obavještajnom radu bit će:

- procjena prikupljenih podataka i informacija, produblivanje istih, njihovo kompletiranje, selektiranje, analitička obrada i unos u odgovarajuće baze;
- sačinjavanje obavještajnih produkata s posebnim akcentom na operativne analize i profile meta po svim linijama rada uz povećanje kvaliteta sačinjenih produkata;
- nadzor nad prikupljanjem obavještajnih podataka, stručna koordinacija korištenja, kompletiranja i dizajniranja obavještajnih podataka i informacija, sačinjavanje planova rada po konkretnim predmetima, te vršenje procjene vjerovatnoće u postojanju određenog krivičnog djela na osnovu sačinjenog obavještajnog produkta i šeme uz prijedlog smjernica za dalji tok djelovanja po pitanju rasvjetljavanja određenog krivičnog djela;
- unapređenje postojećeg sistema upravljanja kriminalističko-obavještajnim podacima kroz jasno definiran sistem kriterija za dostupnost i diseminaciju podataka (uvođenje 5x5x5 modela).

Jedan od prioriteta u 2019. godini bit će i rad na predmetima koji se odnose na krivična djela pranja novca i finansiranja terorističkih aktivnosti. Nastavit će se rad na već otvorenim predmetima u Finansijsko-obavještajnom odjelu (istražnim i obavještajno-analitičkim) i aktivnosti u vezi sa obukom obveznika iz člana 4. Zakona o sprečavanju pranja novca i finansiranja terorističkih aktivnosti, radit će se na povezivanju na baze podataka drugih institucija putem AMLS aplikativnog softvera i realizaciji aktivnosti iz Akcionog plana koji je nastao kao rezultat Procjene rizika od pranja novca i finansiranja terorističkih aktivnosti u Bosni i Hercegovini, nastavit će se predstavljanje Bosne i Hercegovine u Moneyval komitetu Vijeća Evrope i drugim međunarodnim tijelima i učestvovat će se u izradi novog Zakona o sprečavanju pranja novca i finansiranja terorističkih aktivnosti.

Rad na predmetima koji se odnose na krivična djela ratnog zločina i krivična djela kažnjiva po međunarodnom humanitarnom pravu predstavlja stalnu aktivnost Agencije. U 2019. godini Sektor za istraživanje ratnih zločina i krivičnih djela kažnjivih po međunarodnom humanitarnom pravu i odsjeci u regionalnim uredima po ovoj liniji rada intenzivirat će rad na već otvorenim predmetima i postupit će po svim zahtjevima i naredbama

Suda Bosne i Hercegovine i Tužilaštva Bosne i Hercegovine koji se odnose na nove otvorene istrage. Radit će se i na prikupljanju informacija u vezi sa osobama za kojima je raspisana potjernica, kao i u vezi sa nestalim osobama, u okviru operativnih timova „Libertatis“ i „Terra“.

Provođenje programa zaštite svjedoka, zaštita i pružanje podrške svjedocima koji svjedoče u postupcima pred Sudom Bosne i Hercegovine i u 2019. godini bit će jedan od prioriteta rada Agencije. U skladu sa zakonskim i podzakonskim aktima, kao i drugim propisima Bosne i Hercegovine i međunarodnim propisima, preduzimat će se i provoditi mjere zaštite osoba koje su uključene u program zaštite svjedoka, kao i osoba koje imaju status zaštićenog svjedoka kako u postupcima koji se vode pred Sudom Bosne i Hercegovine, tako i u predmetima koji se vode pred sudovima drugih zemalja. Radit će se na iznalaženju dugoročnijeg rješenja pitanja smještaja Odjela za zaštitu svjedoka. Nastavit će se aktivnosti na izradi normativnih akata u skladu sa odredbama Zakona o programu zaštite svjedoka u Bosni i Hercegovini, a koji se odnose na izdavanje ili privremeno mijenjanje potvrda ili drugih dokumenata za davanje ili održavanje prikriivenog ili promijenjenog identiteta u korist osoba uključenih u program zaštite svjedoka i zaposlenih u Odjelu za zaštitu svjedoka, ako je to neophodno za izvršavanje zadatka.

Sektor za operativnu podršku će, provođenjem posebnih istražnih radnji iz svoje nadležnosti i pružanjem podrške u provođenju onih posebnih istražnih radnji koje su u nadležnosti ostalih organizacionih jedinica, pružiti podršku za kvalitetnije vođenje istraga i prikupljanje informacija i dokaza o izvršenju krivičnih djela. S tim ciljem, provodit će aktivnosti i Odsjek za protivdiverzionu, protiveksplozivnu i tehničku zaštitu i Grupa za kriminalističku tehniku i poligrafsko vještačenje. Radit će se na poboljšanju uslova za rad istražitelja za posebne operacije donošenjem Pravilnika u vezi sa izradom dokumenata sa izmijenjenim identitetom koji su neophodni za provođenje posebnih istražnih radnji i na njihovom dislociranju van sjedišta Agencije u sigurnu kuću. Vršit će se organizacija, nadzor i kontrola rada sa informantima na nivou Agencije praćenjem utroška novčanih sredstava za registrirane informante, te provoditi aktivnosti u vezi sa deaktiviranjem ili angažiranjem novih informanata i praćenjem stanja rada sa angažiranim informantima. Potrebno je uspostaviti kvalitetne prakse koje će doprinijeti potpunom poštivanju odluka Ustavnog suda Bosne i Hercegovine, koje se odnose na postupanje prilikom provođenja posebnih istražnih radnji.

Zakonitost rada Agencije, također, predstavlja jedan od prioriteta u 2019. godini. S ciljem poboljšanja zakonitosti rada Agencije, provodit će se interni postupci na osnovu zaprimljenih zahtjeva za provođenje istih, vršit će se ocjena zakonitosti upotrebe sredstava prinude od strane policijskih službenika Agencije, vršit će se redovne, vanredne i kontrolne inspekcije, radit će se na otkrivanju neusklađenosti internih propisa sa zakonima i drugim propisima i predlagati njihovo usklađivanje, vršit će se sigurnosne provjere na osnovu zahtjeva institucija BiH i pratiti primjena Zakona o zaštiti tajnih podataka i Zakona o zaštiti ličnih podataka od strane zaposlenih u Agenciji i provoditi mjere unutrašnjeg nadzora.

Saradnja sa Tužilaštvom Bosne i Hercegovine i Sudom Bosne i Hercegovine, tužilaštvima i sudovima nižih nivoa vlasti, policijskim tijelima na svim nivoima vlasti u Bosni i Hercegovini i ostalim partnerima u skladu sa zakonskim nadležnostima, također je jedna od prioritarnih aktivnosti,

bez čijeg unapređenja nema uspješne borbe protiv kriminala. Posebna pažnja će se posvetiti međunarodnoj saradnji sa policijama zemalja regiona i ostalih zemalja u smislu razmjene informacija i vođenja zajedničkih aktivnosti u okviru sprečavanja i istraživanju krivičnih djela koja imaju međunarodnu dimenziju.

Planirano je kadrovsko jačanje Agencije zapošljavanjem deset policijskih službenika u činu policajac i 25 u činu mlađi inspektor, te četiri državna službenika i šest zaposlenika. Inicirat će se donošenje novih ili izmjena i dopuna postojećih zakona i podzakonskih akata koje donosi Vijeće ministara Bosne i Hercegovine, a odnose se na rad Agencije, davati mišljenja i sugestije na dostavljene prijedloge tih zakona i podzakonskih akata, učestvovati u radnim grupama za izradu njihovih nacрта/prijedloga. Nastavit će se izrada i donošenje internih podzakonskih akata koji su rezultat potrebe za usklađivanjem internih propisa Agencije ili poboljšanja normativnog uređenja određenih oblasti rada Agencije. Stručno usavršavanje svih uposlenih, a posebno policijskih službenika, jedan je od stalnih prioriteta kojem će se i u 2019. poklanjati posebna pažnja.

S ciljem obezbjeđivanja finansijske i materijalne podrške provođenju aktivnosti iz programa rada Agencije, pristupit će se izradi strateških programa i projekata, godišnjih planova rada, planova nabavki roba, usluga i kapitalnih ulaganja za 2019. godinu u skladu sa odobrenim budžetom za 2019. godinu i u skladu sa zakonskim rokovima, izradi neophodnih izvještaja za 2018. godinu i 2019. godinu, izradi dokumenta okvirnog budžeta za period 2020–2022. godine, te izradi zahtjeva za budžet za 2020. godinu, dinamičkih planova finansiranja i namjenske strukture kapitalnih ulaganja, realizaciji nabavki iz usvojenih planova nabavki u skladu sa zakonom koji, pored ostalog, obuhvataju, kao najznačajniji projekat, proceduru izbora izvođača radova za izgradnju baze za smještaj i obuku Jedinice za specijalnu podršku Agencije, popisu imovine i obaveza u skladu sa zakonskim rokovima, aktivnostima po zahtjevu Ureda za reviziju poslovanja institucija Bosne i Hercegovine i Jedinice za internu reviziju, koje obuhvataju i provođenje preporuka iz njihovih izvještaja.

Svi pokazatelji predstavljeni za pojedine aktivnosti u Akcionom planu Programa rada Agencije za 2019. godinu u direktnoj su zavisnosti od zakonski regulirane saradnje sa Tužilaštvom Bosne i Hercegovine i Sudom Bosne i Hercegovine, budući da u skladu sa Zakonom o krivičnom postupku Bosne i Hercegovine („Službeni glasnik BiH“, br. 3/03, 32/03, 36/03, 26/04, 63/04, 13/05, 48/05, 46/06, 76/06, 29/07, 32/07, 53/07, 76/07, 15/08, 48/08, 16/09, 93/09 i 72/13) tužilac provodi istragu i izdaje naredbe za postupanje svim organima koji učestvuju u istrazi, svi organi koji učestvuju u istrazi dužni su da obavijeste tužioca o svakoj preduzetoj radnji u istrazi i da postupe po svakom njegovom zahtjevu.

Mogući problemi i rizici prilikom provođenja Programa rada Agencije u 2019. godini su:

1. nedovoljna koordinacija u razmjeni obavještajnih podataka;
2. ograničavanje eksternog popunjavanja kvalitetnim policijskim kadrovima (finansijska ograničenja, zakonska ograničenja);
3. nedostatak finansijskih sredstava za rješavanje trajnog smještaja dislociranih organizacionih jedinica;
4. nedostatak finansijskih sredstava za obnavljanje IT opreme;
5. nedostatak finansijskih sredstava i stručnih kadrova za razvijanje vlastitih baza podataka
6. moguće eskaliranje migrantske krize izazvane aktiviranjem „balkanske rute“.

II - AKCIONI PLAN GODIŠNJEG PROGRAMA RADA DRŽAVNE AGENCIJE ZA ISTRAŽE I ZAŠTITU ZA 2019.													
Opći cilj/principi razvoja: UPRAVLJANJE U FUNKCIJI RASTA													
Strateški cilj: UBRZATI PROCES TRANZICIJE I IZGRADNJE KAPACITETA													
Srednjoročni cilj: UNAPREĐENJE SIGURNOSNOG SEKTORA U BIH SA ASPEKTA ODGOVORNOSTI I EFIKASNOSTI													
Specifični cilj: Unapređenje sistema istraga krivičnih djela, prikupljanja obavještenja i podataka o krivičnim djelima i zaštite svjedoka u postupcima pred Sudom BiH													
Programi, projekti i aktivnosti	Nosilac aktivnosti (organizaciona jedinica)	Pokazatelji				Troškovi		Izvori finansiranja					Planirani kvartal za provođenje
		Pokazatelji rezultata ili uticaja	Jedinica mjerenja(% broj ili opisno)	Polazna vrijednost(n)	Ciljana vrijednost (n+1)	Procijenjeni troškovi	Budžet	Krediti	Donacije	Ostali izvori	Ukupno	Program u DOB-u	
1	2	3	4	5	6	7	8	9	10	11	12	13	14
Program 1.1. Prikupljanje obavještenja i podataka, sprečavanje, otkrivanje i istrage krivičnih djela i zaštita svjedoka iz nadležnosti Suda BiH													
Projekat 1.1.1. Istrage krivičnih djela iz nadležnosti Suda BiH													
Aktivnost 1.1.1.1. Provođenje zakonom propisanih aktivnosti, u skladu sa naredbama i zahtjevima Tužilaštva BiH i Suda BiH, na otkrivanju krivičnih djela terorizma i nedozvoljene trgovine ABHO	Kriminalističko-istražni odjel, regionalni uredi Banja Luka, Mostar, Sarajevo i Tuzla	Stepen izvršenih naredbi i zahtjeva Suda BiH i Tužilaštva BiH	%	100	100	1.345.800	1.345.800	0	0	0	1.345.800		2019.
Aktivnost 1.1.1.2. Provođenje zakonom propisanih aktivnosti, u skladu sa naredbama i zahtjevima Tužilaštva BiH i Suda BiH, na otkrivanju krivičnih djela organiziranog kriminala, kriminala u vezi sa trgovinom ljudima, opojnim drogama i ostalim krivičnim djelima	Kriminalističko-istražni odjel, regionalni uredi Banja Luka, Mostar, Sarajevo i Tuzla	Stepen izvršenih naredbi i zahtjeva Suda BiH i Tužilaštva BiH	%	100	100	6.188.000	6.188.000	0	0	0	6.188.000		2019.
Aktivnost 1.1.1.3. Provođenje zakonom propisanih aktivnosti, u skladu sa naredbama i zahtjevima Tužilaštva BiH i Suda BiH, na otkrivanju krivičnih djela finansijskog kriminala i korupcije	Kriminalističko-istražni odjel, regionalni uredi Banja Luka, Mostar, Sarajevo i Tuzla	Stepen izvršenih naredbi i zahtjeva Suda BiH i Tužilaštva BiH	%	100	100	2.691.700	2.691.700	0	0	0	2.691.700		2019.
Aktivnost 1.1.1.4. Provođenje integriranih finansijskih istraga	Kriminalističko-istražni odjel	Procenat otvorenih finansijskih istraga u odnosu na broj pokrenutih	%	100	100	132.500	132.500	0	0	0	132.500		2019.
Aktivnost 1.1.1.5. Provođenje zakonom propisanih aktivnosti, u skladu sa naredbama i zahtjevima Tužilaštva BiH i Suda BiH, na otkrivanju krivičnih djela pranja novca i finansiranja terorističkih aktivnosti	Finansijsko-obavještajni odjel	Stepen izvršenih naredbi i zahtjeva Suda BiH i Tužilaštva BiH	%	100	100	762.600	762.600	0	0	0	762.600		2019.

Aktivnost 1.1.1.6. Provođenje zakonom propisanih aktivnosti, u skladu sa naredbama i zahtjevima Tužilaštva BiH i Suda BiH, na otkrivanju krivičnih djela ratnih zločina i krivičnih djela kažnjivih po međunarodnom humanitarnom pravu	Sektor za istraživanje ratnih zločina i krivičnih djela kažnjivih po međunarodnom humanitarnom pravu i regionalni uredi Banja Luka, Mostar, Sarajevo i Tuzla	Stepen izvršenih naredbi i zahtjeva Suda BiH i Tužilaštva BiH	%	100	100	3.626.400	3.626.400	0	0	0	3.626.400	2019.
Aktivnost 1.1.1.7. Operativno angažiranje Jedinice za specijalnu podršku po naredbama direktora SIPA-e	Jedinica za specijalnu podršku	Stepen izvršenih naredbi direktora za operativno angažiranje	%	100	100	4.989.900	4.989.900	0	0	0	4.989.900	2019.
Aktivnost 1.1.1.8. Saradnja i razmjena informacija u krivičnim istragama sa policijskim tijelima i ostalim partnerima u zemlji i inostranstvu	Kriminalističko-istražni odjel, regionalni uredi Banja Luka, Mostar, Sarajevo i Tuzla, Sektor za planiranje, analitiku, saradnju i informiranje	Stepen ostvarene saradnje u odnosu na broj zaprimljenih zahtjeva za saradnju	%	100	100	1.032.100	1.032.100	0	0	0	1.032.100	2019.
Projekat 1.1.2. IBIH-SIPA-2												
Aktivnost 1.1.2.1. Izgradnja objekta za smještaj i obuku Jedinice za specijalnu podršku		Stepen završetka projekta	%		100	1.152.000	1.152.000	0	0	0	1.152.000	2019.
Projekat 1.1.3. Prikupljanje i analitička obrada obavještenja i podataka o krivičnim djelima												
Aktivnost 1.1.3.1. Povećati broj i kvalitet prikupljenih informacija i obavještajnih podataka	Kriminalističko-istražni odjel, Finansijsko-obavještajni odjel, Sektor za istraživanje ratnih zločina i krivičnih djela kažnjivih po međunarodnom humanitarnom pravu, regionalni uredi Banja Luka, Mostar, Sarajevo i Tuzla	Broj sačinjenih KOI 4x4	Broj	2200	2500	2.197.400	2.197.400	0	0	0	2.197.400	2019.
Aktivnost 1.1.3.2. Povećati broj i kvalitet produkata analitičkog rada	Kriminalističko-istražni odjel, Finansijsko-obavještajni odjel, Sektor za istraživanje ratnih zločina i krivičnih djela kažnjivih po međunarodnom humanitarnom pravu, regionalni uredi Banja Luka, Mostar, Sarajevo i Tuzla	Ukupan broj produkata analitičkog rada	Broj	550	600	2.421.200	2.421.200	0	0	0	2.421.200	2019.
Projekat 1.1.4. Provođenje posebnih istražnih radnji u otkrivanju najtežih oblika krivičnih djela iz nadležnosti Suda BiH												
Aktivnost 1.1.4.1. Provođenje posebne istražne radnje "Nadzor i tehničko snimanje telekomunikacija" po naredbama Suda BiH	Sektor za operativnu podršku i regionalni uredi Banja Luka, Mostar, Sarajevo i Tuzla	Stepen izvršenih naredbi Suda BiH za provođenje posebne istražne radnje	%	100	100	1.059.900	1.059.900	0	0	0	1.059.900	2019.

Aktivnost 1.1.4.2. Provođenje posebne istražne radnje "Nadzor i tehničko snimanje prostorija" po naredbama Suda BiH	Sektor za operativnu podršku	Stepen izvršenih naredbi Suda BiH za provođenje posebne istražne radnje	%	100	100	1.324.900	1.324.900	0	0	0	1.324.900	2019.
Aktivnost 1.1.4.3. Provođenje posebne istražne radnje "Tajno praćenje i tehničko snimanje osoba, transportnih sredstava i predmeta koji stoje u vezi sa njima" po naredbama Suda BiH	Sektor za operativnu podršku	Stepen izvršenih naredbi Suda BiH za provođenje posebne istražne radnje	%	100	100	1.324.900	1.324.900	0	0	0	1.324.900	2019.
Aktivnost 1.1.4.4. Provođenje posebnih istražnih radnji "Simulirani i kontrolirani otkup i simulirano davanje potkupnine" i "Korištenje prikrivenih istražitelja i korištenje informatora" po naredbama Suda BiH	Kriminalističko-istražni odjel i regionalni uredi Banja Luka, Mostar, Sarajevo i Tuzla	Stepen izvršenih naredbi Suda BiH za provođenje posebne istražne radnje	%	100	100	270.900	270.900	0	0	0	270.900	2019.
Aktivnost 1.1.4.5. Provođenje posebne istražne radnje "Nadzirani prevoz i isporuka predmeta KD" po naredbama Suda BiH	Sektor za operativnu podršku	Stepen izvršenih naredbi Suda BiH za provođenje posebne istražne radnje	%	100	100	264.900	264.900	0	0	0	264.900	2019.
Projekat 1.1.5. Utvrđivanje zakonitosti u postupanju policijskih službenika SIPA-e i postupanje na zahtjev institucija BiH												
Aktivnost 1.1.5.1. Provesti unutrašnje istrage na osnovu zahtjeva	Odjel za unutrašnju kontrolu	Procenat provedenih unutrašnjih istraga u odnosu na broj pokrenutih	%	100	100	132.500	132.500	0	0	0	132.500	2019.
Aktivnost 1.1.5.2. Utvrditi zakonitost primjene sredstava prinude od strane policijskih službenika	Odjel za unutrašnju kontrolu	Procenat provedenih istraga u odnosu na broj zahtjeva za utvrđivanje opravdanosti primjene sredstava prinude	%	100	100	132.500	132.500	0	0	0	132.500	2019.
Aktivnost 1.1.5.3. Izvršiti sigurnosne provjere po zahtjevima institucija	Odjel za unutrašnju kontrolu	Procenat izvršenih provjera u odnosu na broj zahtjeva	%	100	100	397.500	397.500	0	0	0	397.500	2019.
Aktivnost 1.1.5.4. Vršiti interni nadzor nad primjenom zakona i podzakonskih akata u radu Agencije	Odjel za unutrašnju kontrolu i Sektor za planiranje, analitiku, saradnju i informiranje	Broj izvršenih unutrašnjih inspekcijских nadzora	Broj	15	15	265.000	265.000	0	0	0	265.000	2019.

Projekat 1.1.6. Zaštita svjedoka													
Aktivnost 1.1.6.1. Provesti programe zaštite svjedoka iz BiH po zahtjevima Tužilaštva BiH i Suda BiH	Odjel za zaštitu svjedoka	Procenat provedenih programa zaštite svjedoka u odnosu na broj zahtjeva Suda BiH i Tužilaštva BiH	%	100	100	405.000	405.000	0	0	0	405.000		2019.
Aktivnost 1.1.6.2. Provesti programe zaštite svjedoka drugih država	Odjel za zaštitu svjedoka	Procenat provedenih programa zaštite svjedoka u odnosu na broj zahtjeva Suda BiH i Tužilaštva BiH	%	100	100	405.000	405.000	0	0	0	405.000		2019.
Aktivnost 1.1.6.3. Postupiti po naredbama Suda BiH i Tužilaštva BiH za provođenje mjera zaštite zaštićenim svjedocima koji svjedoče pred Sudom BiH	Odjel za zaštitu svjedoka	Procenat provedenih mjera zaštite u odnosu na broj naredbi za provođenje mjera zaštite svjedoka	%	100	100	505.400	505.400	0	0	0	505.400		2019.

III - ZBIRNI PREGLED ZAKONA PLANIRANIH GODIŠNJIM PROGRAMOM DRŽAVNE AGENCIJE ZA ISTRAGE I ZAŠTITU ZA 2019.						
Opći cilj/principi razvoja: UPRAVLJANJE U FUNKCIJI RASTA						
Strateški cilj: UBRZATI PROCES TRANZICIJE I IZGRADNJE KAPACITETA						
Srednjoročni cilj: UNAPREĐENJE SIGURNOSNOG SEKTORA U BIH SA ASPEKTA ODGOVORNOSTI I EFIKASNOSTI						
Specifični cilj: Unapređenje sistema istraga krivičnih djela, prikupljanja obavještenja i podataka o krivičnim djelima i zaštite svjedoka u postupcima pred Sudom BiH						
Naziv zakona	Nosilac aktivnosti	Razlozi za donošenje zakona	Usklađivanje sa pravnim nasljeđem EU (DA/NE)	Prethodna procjena uticaja propisa (DA)	Sveobuhvatna procjena uticaja propisa (DA/NE)	Planirani kvartal za provođenje
1	2	3	4	5	6	7
Program 1.1. prikupljanje obavještenja i podataka, sprečavanje, otkrivanje i istrage krivičnih djela i zaštita svjedoka iz nadležnosti Suda BiH						
Projekat 1.1.5. Utvrđivanje zakonitosti u postupanju policijskih službenika SIPA-e i postupanje na zahtijev institucija BiH						
a) ZAKONI ZA KOJE SE NEĆE PROVODITI PROCJENA UTICAJA						
1. Zakon o Državnoj agenciji za istrage i zaštitu	Ministarstvo sigurnosti BiH, SIPA	Usklađivanje aktuelne organizacione strukture Državne agencije za istrage i zaštitu sa praktičnim potrebama	NE	DA	NE	I

IV - ZBIRNI PREGLED PODZAKONSKIH AKATA PLANIRANIH GODIŠNJIM PROGRAMOM RADA DRŽAVNE AGENCIJE ZA ISTRAŽE I ZAŠTITU ZA 2019.

Opći cilj/principi razvoja: UPRAVLJANJE U FUNKCIJI RASTA

Strateški cilj: UBRZATI PROCES TRANZICIJE I IZGRADNJE KAPACITETA

Srednjoročni cilj: UNAPREĐENJE SIGURNOSNOG SEKTORA U BIH SA ASPEKTA ODGOVORNOSTI I EFIKASNOSTI

Specifični cilj: Unapređenje sistema istraga krivičnih djela, prikupljanja obavještenja i podataka o krivičnim djelima i zaštite svjedoka u postupcima pred Sudom BiH

Naziv podzakonskog akta	Nosilac aktivnosti	Razlozi za donošenje podzakonskog akta	Usklađivanje sa pravnim nasljeđem EU (DA/NE)	Prethodna procjena uticaja propisa (DA)	Sveobuhvatna procjena uticaja propisa (DA/NE)	Planirani kvartal za provođenje aktivnosti
1	2	3	4	5	6	7
Program 1.1. Prikupljanje obavještenja i podataka, sprečavanje, otkrivanje i istrage krivičnih djela i zaštita svjedoka iz nadležnosti Suda BiH						
Projekat 1.1.5. Utvrđivanje zakonitosti u postupanju policijskih službenika SIPA-e i postupanje na zahtjev institucija BiH						
1. Pravilnik o unutrašnjoj organizaciji Državne agencije za istrage i zaštitu	Ministarstvo sigurnosti BiH, SIPA	Usklađivanje pravilnika sa potrebama Državne agencije za istrage i zaštitu i jačanje određenih organizacionih jedinica u skladu sa aktuelnim sigurnosnim izazovima	NE	DA	NE	II

V - ZBIRNI PREGLED MEĐUNARODNIH UGOVORA PLANIRANIH GODIŠNJIM PROGRAMOM RADA DRŽAVNE AGENCIJE ZA ISTRAŽE I ZAŠTITU ZA 2019.**Opći cilj/principi razvoja: UPRAVLJANJE U FUNKCIJI RASTA****Strateški cilj: UBRZATI PROCES TRANZICIJE I IZGRADNJE KAPACITETA****Srednjoročni cilj: UNAPREĐENJE SIGURNOSNOG SEKTORA U BIH SA ASPEKTA ODGOVORNOSTI I EFIKASNOSTI****Specifični cilj: Unapređenje sistema istraga krivičnih djela, prikupljanja obavještenja i podataka o krivičnim djelima i zaštite svjedoka u postupcima pred Sudom BiH**

Naziv međunarodnog ugovora	Nosilac aktivnosti	Razlozi za zaključivanje međunarodnog ugovora	Usklađivanje sa pravnim nasljeđem EU (DA/NE)	Prethodna procjena uticaja propisa (DA)	Sveobuhvatna procjena uticaja propisa (DA/NE)	Planirani kvartal za provođenje aktivnosti
1	2	3	4	5	6	7
-						
-						
-						

VI - ZBIRNI PREGLED JAVNIH INVESTICIJA PLANIRANIH GODIŠNJIM PROGRAMOM RADA DRŽAVNE AGENCIJE ZA ISTRAŽE I ZAŠTITU ZA 2019.**Opći cilj/principi razvoja: UPRAVLJANJE U FUNKCIJI RASTA****Strateški cilj: UBRZATI PROCES TRANZICIJE I IZGRADNJE KAPACITETA****Srednjoročni cilj: UNAPREĐENJE SIGURNOSNOG SEKTORA U BIH SA ASPEKTA ODGOVORNOSTI I EFIKASNOSTI****Specifični cilj: Unapređenje sistema istraga krivičnih djela, prikupljanja obavještenja i podataka o krivičnim djelima i zaštite svjedoka u postupcima pred Sudom BiH**

Naziv projekta javnih investicija	Osnovni ciljevi, aktivnosti i komponente projekta	Planirani period realizacije
1	2	3
Program 1.1. Prikupljanje obavještenja i podataka, sprečavanje, otkrivanje i istrage krivičnih djela i zaštita svjedoka iz nadležnosti Suda BiH		
Projekat 1.1.2. IBIH-SIPA-2		
1.1.2.1. Izgradnja objekta za smještaj i obuku Jedinice za specijalnu podršku	Trajni smještaj i obuka Jedinice za specijalnu podršku	Kraj 2019.

VII – IZVJEŠTAJ O PROVEDENIM KONSULTACIJAMA PRILIKOM IZRADE PROGRAMA RADA

U skladu sa Odlukom o godišnjem planiranju rada i načinu praćenja i izvještavanja o radu u institucijama Bosne i Hercegovine („Službeni glasnik BiH“, broj 94/14) i Uputstvom o načinu pripreme godišnjeg programa rada i izvještaja o radu u institucijama Bosne i Hercegovine („Službeni glasnik BiH“, broj 45/15), Agencija je prednacrt Programa rada za 2019. godinu postavila za konsultacije na portalu eKonsultacije, u trajanju od 14 dana od 12.07. do 27.07.2018. godine). Nije bilo prijedloga i sugestija zainteresirane javnosti tokom objavljivanja prednacrt Program rada za 2019. godinu. U finansijskom dijelu prijedlog Programa rada usklađen je sa budžetskim zahtjevom za 2019. godinu i iznosi 33.028.000,00 KM.

**DIREKTOR
GLAVNI GENERALNI INSPEKTOR POLICIJE**

Perica Stanić